

J'SUS OBLIGI D'IN PARLER... ?

De quo ? Bin repons, bin infindu des... Soucoupiens, ces drôles de gins qui nous arrivent à pied d'bas et qui deschiennent d'sus la terre du monde avec leus appareils sans faire pus d'brut qu'inne puque qui gratte à s'tête. In les tot in l'air, à terre, mais in n'peut jamais les approché ; in l'air, is sont trop vite et les as de l'reaction (in avions) ont déjà essayé d'ies prinle de vitesse, mais... inoache, in un clin d'œil in n'les tot pus, disparus à inne allure vertigineuse, disent les journalistiques. A terre, schan qu'is nous r'inent vite, ch'est acore mix : in les tot (l'ou-ou schan qu'il fait nuit), mais si ta teut les veufi à pus près, in fo que comme paralysé par un machin électrique et pus b... u... i... comme in p'tit rat, cha fait ranson, l'appareil tourne d'sus plache et, comme in éclat, les v'la partis.

I n'd'a d'itales les formes sarez, depuis celle d'inne assite jusqu'à l'autobus in passant par l'ehigore, même qu'in compaignon a dit à sti qui l'avoit vu in dent : « Ch'est peut-être bin Churchill que t'as vu passer ». Mais à c'sujet, i-a des arts de toutes les sortes. Les gins savants et compétents appellent cha des « phénomènes célestes et atmosphériques ». In puque, ch'est complète par des ballons-sondeurs, mais des autes gins, dignes de fo, comme in dit, gendarmes, bardebarrières, cantonnis, ceinels, etc...

disent que ch'est peut-être des phénomènes, mais qu'ch'est bin des affaires tolantes.

Et l'preuve ch'est qu'il n'd'a qui ont vu des Martiens et même qui leu s'ont parlé... in russe. Is ont compris et répondu. Mi, j'pinse que ch'est des gins qu'in appelle des polyglottes. Is comprennent sus les parolaches de l'terra du monde et d'ailleurs.

I n'd'a in aussi qui a erchu inne baise... d'sus l'front comme adt. L'détail de ces personnaiches tchanché autant les indrois. D'in côté, in dit qu'ch'est des p'tits gins avec des grosses têtes et des ys d'blanc fer igreus comme des œufs d'corbeus. In aute prétind qu'ch'est des p'tits barbus avec inne tête de scaphandrier et d'autes et d'autes. In puque, i n'ad'arrise des drôles à d'certains comme c'garchon boulinger qui, étant dins l'cour de s'boulique, sint qu'in li tape d'sus l'épaule. In s'ertournant i tot qu'ch'est un œuf qui n'est pas normal. I'crie après sin patron, mais p... fut pus personne. In a dit qu'il avoit e' des visions, mais in a vu aussi qu'à in indrois l'herpe avoit été raplatie. Mi, j'pinse que c'Martien n'aimot pas gramint d'faire connaissance et d'avoir des relations avec des patrons.

Mais l'pus beu, ch'est arrivé dins in village où qu'il a in ceincl qui tot d'sus l'roule à côté de s'maison (pendant l'nuit) inne grosse affaire d'inne couleur noire avec des leumires qui bougeotent par chi, par là et inne paire de p'tits bonhommes qui tournotent alintour. Cha y est i qui dit l'ceincl, cha n'est in qui est in panne, s'ras essayer d'faire un prisonni, et le n'la parti tcheur sin justil qui est toudis chergé avec du greus sé (pour les maraudes). I vise comme i faut au mitan d'inne ombre que d'après li ch'êtot l'bas d'in deus et, pas... ? Ch'êtot bien visé et bien erchu, j'sus asserte pasque l'ombre a joussé un cri qui n'êtot pas certainmint in criache de... Martien. Des grosses leumires s'ont alleumées. L'ceincl a couru in vo. Mais l'in-d'main matin i erchetot l'vritte des gendarmes et... j'pinse qu'in c'moimint i compte chin qu'is d'voit payé à s'victime, chin qui avoit pris pour inne soucoupe ch'êtot à peu près cha, ch'êtot inne Aronde qui êtot in carafe et qu'les propriétaires essayotent de réparer.

In tut cas, m'n'arta personnel, sus ces drôles de gins, cha n'est bin seur pos des... Nepluniens pas-qu'is avoient déjà v'nu à Tourco dire bonjour... à leus ajants.

Vous n'pinsez pos ?

Is avoient été bin erchus sarez ! Cha n'est pos comme à Châteauneuf-du-Pape où que l'maire a interdits à ces étrangers d'roler au d'seur et d'atterrir dins s'ville : l'garde champète dins s'ville ; les empêché.

Cha / Ch'est l'douchet ! ! !

Leon DELESALLE
(L'petit Cha)